

Ađris : Ayilif n Meqqran

Meqqran d twacult-is, guđđen yer uxxam amaynut. Lferh yemmar fell-asen ula d icetđiden d dduzan n leqdic tuget deg-sen d imaynuten. Seččen kra n win yuwđen yer-sen akken asen-ibarek.

Kra n wussan, dayen ieedda ubeđri-nni n lferh, uyalen-d waman yer terga-nsen n zik. Meqqran deg leccyal n berra, tameđtut-is Ğamila deg leqdic n uxxam.

Yiwet n tikkelt, Meqqran yejba yer yemma-s amek teđra yid-s ? Yeqqim, tessers-as-d lqahwa, swan akken di sin awal ijebbed-d wayeđ armi uwđen yer taluft n ugiđđi-nni, yenna-as : « Amek iga wakka a yemma ? Ala kemm, gma d tmeđtut-is akked yissetma ur d-nuwid ara yer-i, eni acu i awen-xedmey ?

-Acemma ur yelli a mmi, ma yella win ezizen deg warraw-iw atan d kečč, meena tesseid tameđtut mačči d amdan .

-Yak d kemm iyi-tt-id-yuyen, ney ala ?

-Mačči akka i nwiđ, ttefyent tirga mxalfa. Zriy times ideg tellid ;seg zik ur ak-tesđib ara, maena nhettem-itt fell-ak. Tura abrid yuy yiwen d asawen. Yiwen ur yesgujjul sebea n dderya. Dhu-d a mmi deg tarwa-k, ma d nekk ur ttađđay ara axxam n baba-k yexla. Aqli-n lwađid d lmelk ieussen axxam.

Meqqran degmi yesla imeslayen-nni, netta yettxemmim-asen, yemmekti-d baba-s asni yettyimi ddaw n teblađt-nni, ahat d lmelk i yettilin yid-s imi yettmeslay-as, mačči d timuhbel i yemmuhbel.

Sliman Zamuc. Agellil akked yineffuten yelhan, Sb 18

I) Tigzi n uđris d tutlayt :

- 1) Acu n umaynut i d-yedran yef Meqqran d twacult-is ? 1
- 2) Acu-tt taluft i d-yejbed Meqqran d yemma-s mi llan ttqessiren ? 1
- 3) Anallas deg uđris d agensay ney d azyaray ? 1
- 4) « Mačči akka i nwiđ, ttefyent-iyi tirga mxalfa » Deg sin ar krađ n yijerriđen segzu-d tanfalit-a, tiniđ-d azal n usfillet yelhan deg tudert n umdan. 2
- 5) Acu-t wanaw n uđris-a ? 1
- 6) Kkes-d seg uđris :
 - a) Aktawal n twacult (04 ukkuđ n wawalen). 2
 - b) Amyag deg talya tasuddimt, ini-d d acu-tt , effk-d talya-s tađerfit. 1.5
- 7) Wali tafyirt-a, ini-d d acu-tt, d wassay yellan gar yisumar-is. 1
« Zriy times ideg tellid. »
- 8) « Meqqran segmi yesla imeslayen-nni, netta yettxemmim-asen. » 1.5
Senfel (beddel) awal (Meqqran) s wawal (irgazen) di tefyirt-a.

II) Afares stira :

Tameđtut, d lsas n uxxam, tesa azal d ameqqran deg usedwel d usdukkel n yieeggalen n twacult.

-Aru-d ađris amezzyan (08 ar10) n yijerriđen ideg ara d-talseđ yef wazal i tesa tyemmat deg tudert n umdan.

-Ini-d amek ara tessiwed tyemmat ad tessiđhed assay n tdukkli d tegmat gar warraw-is .

Afud igerrzen.